



Pou Piblikasyon Imedya: 21/09/2023

GOUVÈNÈ KATHY HOCHUL

## GOUVÈNÈ HOCHUL ANONSE METWO VIL NEW YORK LA BAT REKÒ POU TRANSPÒ PASAJE APRÈ PANDEMI AN NAN PLIZYÈ JOU KONSEKITIF

*Metwo yo te anrejistre 4.18 milyon vwayaj peye mèkredi 20 septanm lan, ki te depase nivo rekò apre pandemi an nan madi 19 septanm*

*LIRR etabli nouvo rekò apre pandemi ak 242,202 vwayaj peye mèkredi 20 septanm lan; Metro-North etabli rekò apre pandemi an nan madi 19 septanm, ak 224,426 vwayaj peye*

*OMNY anrejistre 2.3 milyon kat nan tout sistèm lan pandan plizyè jou konsekitif;  
Kat Metwo OMNY yo rive 1.9 milyon nan plizyè jou konsekitif*

*Sèvis paratranspò Access-A-Ride la etabli yon rekò detoulètan pandan yon sèl semèn ak plis pase 192,000 vwayaj yo rezèv*

Gouvènè Kathy Hochul te anonse jodi a Metwo Vil New York la te anrejistre pi wo total li nan yon sèl jou apre pandemi an pou vwayaj ki peye pandan plizè jou konsektif. Mèkredi 20 septanm, metwo yo te anrejistre 4,179,902 vwayaj peye, sa ki te depase rekò 4,144,828 apre pandemi an ki te etabli sèlman yon jou anvan, 19 septanm. Sa a se katriyèm fwa nan de semèn ki sot pase yo ke pasaje nan metwo yo depase mak 4 milyon moun lan. Pandan premye semèn konplè lekòl la nan Vil New York, te gen plis pase 4 milyon antre nan sistèm nan madi 12 septanm ak jedi 14 septanm lan.

"Nou te fè envestisman istorik nan MTA a ki te bay plis sèvis ak elaji aksè ak transpò piblik", **Gouvènè Hochul te deklare**. "Mwen fyè dèské m wè yon lòt semèn rekò nan metwo yo ak tren nou yo pandan Nouyòkè yo kontinye retounen nan sistèm nan."

Wout ray banlye yo te wè tou nivo elve apre pandemi an. Wout Ray Long Island (Long Island Rail Road, LIRR) te etabli yon rekò apre pandemi nan mèkredi, ki te pote 242,202 pasaj nan mèkredi 20 septanm, ki depase nivo siperyè anvan yo ki te etabli 21 jen 2023. LIRR te pote plis pase 200,000 pasaje pandan uit jou konsekitif depi lendi pase a.

Wout Ray Metro-North te etabli rekò apre pandemi li an nan madi 19 septanm, lè li te pote 224,426 pasaje. Sa a te depase total anvan ki te etablli 20 jen lè Metro-North te

pote 224,371 pasaje. Anplis de nivo jeneral apre pandemi an, semèn sa a Metro-North selebre pi gwo kantite pasaje li yo nan yon lendi depi lè pandemi an ak 192,103 vwayaj ki peye.

**Prezidan ak Direktè Egzekitif Jeneral MTA, Janno Lieber, te deklare**, "Pandan dezyèm jou konsekitif n ap atenn nouvo etap enpòtan. Sa a se kote nou te vle rive, nan fen sezon ete an, wè bagay yo k ap evolye nan bon direksyon an. MTA ap toune nan yon rejim konplè, epi sa ki pi enpòtan, Nouyòkè yo ap retounen nan lavi nòmal yo. Sa a se yon gwo siy pou rejjyon an."

**Prezidan Transpò Komen MTA Vil New York (New York City Transit) Ia, Richard Davey, te deklare**, "Kliyan yo te di nou ke yo valorize sèvis ki pi rapid, pi pwòp, ki pi an sekirite, epi se te obsesyon nou 18 dènye mwa yo. Nou kontan kontinye kraze rekò pasaje apre pandemi an lè nou konsantre sou sa kliyan nou yo vle."

**Prezidan Metro-North Railroad MTA ak Prezidan Pwovizwa Long Island Rail Road Ian, Catherine Rinaldi, te deklare**, "Rekò sa yo konfime elan nou te wè nan kòmansman jiyè a, ak 200,000 pasaje lasemèn ki vin nòmal pou tou dewout ray yo. Ekspansyon CityTicket, entwodiksyon Far Rockaway Ticket, ak tandans ogmantasyon pou retounen nan biwo apre Jounen Travay la yo tout sanble te gen yon enpak pozitif sou kantite pasaje. Gwo kantite sa yo pa t ap posib san efò LIRR ak Mendèv Metro-North yo fè, ki fè moun ap deplase san danje chak jou."

Sèvis paratranspò Access-A-Ride Vil New Yorkla etabli yon rekò detoulètan pou vwayaj rezève nan yon sèl semèn nan semèn pase a ak plis pase 192,000 vwayaj. Rekò anvan an, ki te etabli nan mwa mas 2020, se te 191,000 vwayaj. Rekò a vini pliske Access-A-Ride te fè anrjistreman vwayaj pi fasil pase anvan, ak kliyan yo ki kounye a kapab fè sa sou entènèt. Kliyan yo ka aprann plis nan new.mta.info/myaar. Anplis fè vwayaj pi fasil pou rezève, pilòt sou demann E-Hail la ofri kliyan Access-A-Ride opòtinite pou yo rezève vwayaj an tan reyèl atravè taksi ki egziste deja oswa sèvis veyikil lokasyon yo.

**Vis Prezidan MTA pou Paratranspò, Chris Pangilinan, te deklare**, "Rekò sa a se yon vòt konfyans nan amelyorasyon nou te fè epi nou ap kontinye fè nan Access-A-Ride. Ane sa a nou te gade fason pou fè anrjistreman vwayaj pi fasil lè nou te kapab fè rezèvasyon sou entènèt epi tou amelyore vwayaj nan memm jou a atravè ekspansyon pilòt rezèvasyon elektwonik nou an. Nou pral kontinye konsantre sou fason pou amelyore davantaj eksperyans kliyan an pandan n ap fikse je nou sou plis rekò toujou."

Jiskaprezan semèn sa a, Access-A-Ride anrejistre 141,416 vwayaj pwograme, ak omwen 30,000 vwayaj pwograme pa jou nan twa dènye jou lasemèn yo.

OMNY, sistèm peman san kontak Otorite Transpò Metropoliten (Metropolitan Transportation Authority, MTA) an, te jwi tou rekò pandan jou konsekitif yo. Nan mèkredi, te gen 2.32 milyon kat nan tout sistèm nan. Sa a se dezyèm fwa kat OMNY atenn 2.3 milyon kat nan yon sèl jou, premye fwa a vini yon jou anvan madi 19 septanm.

Te gen plis pase 1.93 milyon kat nan sistèm metwo a mèkredi, yon rekò ki vini jis yon jou apre kat tren an te atenn mak 1.9 milyon moun nan yon sèl jou pou premye fwa. Pati mache OMNY an nan vwayaj metwo ki peye yo kontinye nan 45 poustan oswa pi wo depi MTA te mete ajou kalandriye limit pri tikè li nan dat 20 out.

Kantite pasaje ki peye otobis nan Vil New York kontinye ap ogmante. Jedi 14 septanm, otobis yo te depase 1.5 milyon dola woulib peye pou premye fwa depi 17 me 2023. Semèn pase a, prèske 9 milyon moun te pran otobis la, ak kantite pasaje total ki te monte nan apeprè 12 poustan semèn pase a.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)